

Na osnovu člana 12. tačka b) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj 21. jula 2010. godine, donijela je

## **ZAKON**

### **O IZMJENAMA I DOPUNAMA ZAKONA O VISOKOM OBRAZOVANJU**

#### Član 1.

U članu 3. Zakona o visokom obrazovanju ("Službene novine Kantona Sarajevo", broj: 43/08) alineja 2) mijenja se i glasi:

"2) Akreditacija je formalna potvrda (rješenje) o ispunjenosti Kriterija za akreditaciju koje propisuje Agencija za razvoj visokog obrazovanja i osiguranje kvaliteta (u daljem tekstu: Agencija), a koju nakon provedene nezavisne vanjske ocjene kvaliteta i preporuke Agencije, donosi Ministar obrazovanja i nauke Kantona Sarajevo (u daljem tekstu: Ministar);"

Alineja 14) mijenja se i glasi:

"14) Licenciranje predstavlja proces provjere ispunjenosti Standarda i normativa za osnivanje i rad visokoškolske ustanove radi dodjele dozvole (licence) za obavljanje djelatnosti visokog obrazovanja;"

U alineji 15), iza riječi "sadržaj i struktura" dodaje se riječ "studijskih".

U alineji 17) riječi "se sastoji od" zamjenjuju se riječima "može imati više".

U alineji 20) iza riječi " stručno i savjetodavno tijelo u oblasti" dodaje se riječ "razvoja", a iza riječi "visokog obrazovanja" brišu se riječi "koje obavlja poslove iz domena uspostave i osiguranja kvaliteta sistema visokog obrazovanja".

U alineji 23) iza riječi "Studij (studiranje) je proces" dodaju se riječi "definiran nastavnim planom i programom".

Iza alineje 23) dodaje se nova alineja 24) koja glasi:

"24) Studijski program predstavlja nastavni plan i program koji pokriva jednu ili više naučnih oblasti, a čija realizacija kroz nastavno-naučni/umjetnički proces vodi do jednog od tri akademska stepena u skladu sa bolonjskom deklaracijom. Konačnu odluku za usvajanje studijskog programa donosi senat visokoškolske ustanove."

Dosadašnje alineje 24), 25), 26) i 27) postaju alineje 25), 26), 27) i 28).

## Član 2.

U članu 5. stav (3), iza riječi "izražavanja i djelovanja" dodaju se riječi "u pogledu načina držanja nastave, iznošenja naučnih hipoteza i naučnih činjenica".

## Član 3.

U članu 7. iza stava (3) dodaje se novi stav (4) koji glasi:

"(4) Tijela iz stava (3) ovog člana su obavezna preduzeti sve potrebne aktivnosti u okviru utvrđenih nadležnosti s ciljem sprečavanja vršenja diskriminacije članova akademske zajednice, kao i osiguranja njihovog akademskog napredovanja, te ravnopravnog sudjelovanja u realizaciji nastavnog, naučno- nastavnog, umjetničkog, umjetničko-nastavnog, naučno-istraživačkog rada i stvaralaštva u sva tri ciklusa studija kao i u postupku angažmana na drugim organizacionim jedinicama."

Dosadašnji st. (4) i (5) postaju st. (5) i (6).

## Član 4.

U članu 9. u tački i) se iza riječi "osnivač ili suosnivač Kanton" dodaju se riječi "u sjedištu visokoškolske ustanove i odjeljenima izvan područja Kantona".

## Član 5.

U članu 11. iza riječi "kao stručno i savjetodavno tijelo" dodaju se riječi "u oblasti razvoja", a riječi "koje obavlja poslove iz domena uspostave i osiguranja kvaliteta sistema", se brišu.

## Član 6.

U članu 12. stav (1) riječi "obavlja naročito sljedeće poslove" zamjenjuju se riječima "ima sljedeće nadležnosti".

U stavu (1), tačka "f)" briše se, a tačka " g)" postaje tačka "f)".

## Član 7.

U članu 13. u stavu (2) iza riječi "tehničkog sekretara," dodaju se riječi "koji se imenuje posebnim rješenjem.", a riječi "koji se imenuje iz reda administrativnih uposlenika visokoškolske ustanove kao javne ustanove, a koji pruža administrativno - tehničku podršku u radu Savjeta." brišu se.

Stav (3) briše se.

#### Član 8.

U članu 15., u stavu (1), u tački c), iza riječi "ako svojim" dodaju se riječi "djelovanjem i".

#### Član 9.

U naslovu poglavlja II. Dio treći, riječ "UKIDANJE" zamjenjuje se riječima "PRESTANAK RADA".

#### Član 10.

U članu 24. stav (1) mijenja se i glasi:

"(1) Prilikom osnivanja visokoškolske ustanove kao javne ustanove komisiju matičara, koja broji najmanje pet članova, imenuje Vlada, a prilikom osnivanja visokoškolske ustanove kao ustanove komisiju imenuje osnivač. Komisija matičara imenuje se iz reda istaknutih naučnih radnika i stručnjaka za odgovarajuće naučnonastavne, odnosno umjetničkonastavne oblasti."

#### Član 11.

U članu 25. iza stava (4) dodaje se novi stav (5) koji glasi:

"(5) Stručnu komisiju iz stava (4) ovog člana, koja broji najmanje pet članova, obrazuje Ministarstvo iz reda istaknutih naučnih radnika i stručnjaka za odgovarajuće naučnonastavne, odnosno umjetničkonastavne oblasti, te predstavnika osnivača visokoškolske ustanove i predstavnika Ministarstva."

Dosadašnji stav (5) postaje stav (6).

#### Član 12.

U članu 27. iza riječi "fakulteta, akademije, instituta," riječ "studija" briše se, a iza riječi "upisana u registre" dodaju se riječi "kao i promjena njihovih naziva".

#### Član 13.

U članu 28. stav (1) mjenja se i glasi: a dodaju se novi stavovi (1), (2), (3), (4) koji glase:

"(1) Nakon proteka roka od godinu dana od donošenja rješenja kojim se dozvoljava početak rada visokoškolskoj ustanovi, organizacionoj jedinici ili podorganizacionoj jedinici visokoškolske ustanove, Ministarstvo je obavezno formirati posebnu ekspertnu komisiju koja će provjeriti da li visokoškolska ustanova ispunjava uvjete za nastavak rada.

Iza stava (1) dodaju se novi stavovi (2), (3), (4) koji glase:

"(2) Ministarstvo je nakon donošenja rješenja iz stava (1) člana 25. ovog zakona obavezno kontinuirano pratiti ispunjavanje uvjeta za dalji rad visokoškolske ustanove na način da od osnivača zatraži odnosno odobri imenovanje posebne ekspertne komisije.

(3) Ekspertna komisija iz stava (1) ovog člana je obavezna provjeriti odnosno utvrditi da li visokoškolska ustanova ispunjava uvjete za dalji rad, te na osnovu utvrđenog stanja preduzeti odgovarajuće mjere i aktivnosti.

(4) U cilju otklanjanja utvrđenih nedostataka koji onemogućavaju dalji rad visokoškolske ustanove komisija iz stava (2) ovog člana je ovlaštena provesti radnje iz nadležnosti tijela visokoškolske ustanove odnosno organizacione jedinice i to dok traje proces otklanjanja utvrđenih nedostataka. Nakon provedenog postupka Komisija Ministarstvu dostavlja izvještaj sa potrebnim dokazima u cilju potvrde da su utvrđeni nedostaci otklonjeni."

Dosadašnji st. (2), (3) i (4) postaju st. (5), (6) i (7).

U stavu (6) riječi "iz stava (2)" zamjenjuju se riječima "iz stava (5).

U stavu (7) iza riječi "ukoliko se" dodaju se riječi "utvrđeni nedostaci ne mogu otkloniti od strane posebne ekspertne komisije", a riječi "u roku iz stava (2) ovog člana utvrđeni nedostaci ne otklone." brišu se.

#### Član 14.

Poglavlje III. -Akreditacija i licenciranje i članovi 29., 30., 31., 32., 33. i 34. mijenjaju se i glase:

#### "POGLAVLJE III - LICENCIRANJE I AKREDITACIJA

##### Član 29. (Licenciranje)

(1) Licenciranje predstavlja proces provjere ispunjenosti Standarda i normativa za osnivanje i rad visokoškolske ustanove radi dodjele dozvole (licence) za obavljanje djelatnosti visokog obrazovanja.

(2) Licencu, na zahtjev visokoškolske ustanove, dodjeljuje Ministarstvo nakon okončanog postupka licenciranja.

(3) Licencom se utvrđuju vrsta ustanove, studijski programi, maksimalni broj studenata koji se mogu upisati na studijske programe sva tri ciklusa, kao i stepeni odnosno diplome koje visokoškolska ustanova može dodjeljivati.

(4) Standarde i normative iz stava (1) ovog člana donosi Vlada na prijedlog Ministarstva koje u postupku utvrđivanja prijedloga obavezno uzima u obzir norme kojima se određuju minimalni standardi u oblasti visokog obrazovanja a koje utvrđuje Agencija.

(5) Visokoškolska ustanova može početi sa radom odnosno obavljati svoju djelatnost nakon dobijanja licence.

(6) Pravilnik kojim se precizira postupak osnivanja i licenciranja visokoškolskih ustanova donosi Ministar.

#### Član 30. (Akreditacija)

(1) Akreditacija je formalna potvrda (rješenje) o ispunjenosti Kriterija za akreditaciju koje propisuje Agencija, a koju nakon provedene nezavisne vanjske ocjene kvaliteta i preporuke agencije, donosi ministar.

(2) U postupku akreditacije studijskog programa utvrđuje se da li su ispunjeni uvjeti za obavljanje nastavnog, naučno- nastavnog, umjetničkog, umjetničko-nastavnog, naučno-istraživačkog rada visokoškolske ustanove u skladu sa kriterijima.

#### Član 31. (Zahtjev za izdavanje akreditacije)

(1) Licencirana visokoškolska ustanova podnosi zahtjev za akreditaciju Ministarstvu najkasnije do isteka roka utvrđenog u članu 61. Okvirnog zakona.

(2) Nakon prijema zahtjeva i provjere njegove urednosti, Ministarstvo predlaže Agenciji stručnjake za akreditaciju sa utvrđene liste stručnjaka.

#### Član 32. (Nezavisna Komisija eksperata)

(1) Nezavisna komisija stručnjaka koju imenuje Agencija kontaktira visokoškolsku ustanovu, i preko Agencije dogovora posjetu visokoškolskoj ustanovi radi provjere ispunjenosti kriterija o akreditaciji.

(2) Komisija iz stava (1) ovog člana izrađuje izvještaj koji sadrži ocjenu ispunjenosti kriterija i preporuke za unaprjeđenje kvaliteta na visokoškolskoj ustanovi.

#### Član 33. (Postupak dodjele akreditacije)

(1) Agencija će nakon prijema i analize izvještaja Komisije iz člana 32. stav (1) ovog Zakona izraditi preporuku koju će sa izvještajem iz člana 32. stav (2) ovog Zakona dostaviti Ministarstvu, a na osnovu koje ministar donosi:

a) rješenje o akreditaciji visokoškolske ustanove, odnosno studijskog programa;

b) rješenje o uslovnoj akreditaciji sa rokom za otklanjanje nedostataka koji ne može biti duži od godinu dana;

c) rješenje kojim se zahtjev odbija.

(2) Licencirana visokoškolska ustanova kojoj je dodijeljena uslovna akreditacija obavezna je najkasnije do isteka roka iz tačke b) stava (1) ovog člana, Ministarstvu dostaviti izvještaj sa potrebnim dokazima da su utvrđeni nedostaci otklonjeni u skladu sa zakonom.

(3) Ministarstvo će, nakon analize izvještaja iz stava (2) ovog člana, i pod uvjetom da su nedostaci otklonjeni, u roku od 15 dana donijeti rješenje o akreditaciji visokoškolske ustanove, odnosno studijskog programa.

(4) Ukoliko se nakon isteka roka iz tačke b) stava (1) ovog člana, utvrđeni nedostaci ne otklone, Ministar je obavezan u roku od 15 dana donijeti rješenje kojim se oduzima akreditacija visokoškolskoj ustanovi, odnosno studijskom programu.

(5) Akreditacija po zahtjevu iz člana 32. stav (1) dodjeljuje se najduže na vremenski period od pet godina, nakon čega se obavezno provodi ponovni postupak akreditiranja.

(6) Protiv rješenja iz ovog člana nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema rješenja.

(7) Ista visokoškolska ustanova ili isti osnivač može podnijeti ponovni zahtjev iz člana 31. stav (1) nakon isteka roka od najmanje dvanaest mjeseci od donošenja pravosnažnog rješenja, ukoliko je rješenje bilo negativno.

(8) Ministarstvo će Agenciji dostaviti Rješenje o akreditaciji radi upisa akreditiranih visokoškolskih ustanova u državni registar akreditiranih visokoškolskih ustanova.

(9) Ministarstvo će osigurati stalnu dostupnost na svojoj web-stranici liste akreditiranih visokoškolskih ustanova na području Kantona Sarajevo.

(10) Pravilnik o postupku akreditacije donosi Ministar.

#### Član 34.

##### (Oduzimanje licence i akreditacije)

(1) Ako se na temelju nadzora u skladu sa ovim Zakonom utvrdi da je visokoškolska ustanova prestala ispunjavati uvjete iz licence i akreditacije, a uočeni propusti se ne mogu otkloniti bez ozbiljnih posljedica po kvalitet studija, Ministarstvo će, uz prethodno pribavljeno očitovanje Agencije rješenjem oduzeti licencu i akreditaciju.

(2) Ako se uočeni nedostaci mogu otkloniti Ministarstvo će utvrditi rok ne duži od dva mjeseca u kojem visokoškolska ustanova mora otkloniti utvrđene nedostatke.

(3) U slučaju poništenja rješenja o akreditaciji, Ministarstvo dostavlja zahtjev Agenciji za ispis date visokoškolske ustanove iz državnog registra akreditiranih visokoškolskih ustanova.

(4) Protiv rješenja Ministarstva iz stava (1) ovog člana nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema rješenja."

#### Član 15.

U članu 35. u stavu (5), tačka e) briše se, a dosadašnje tačke f) i g) postaju tačke e) i f).

#### Član 16.

U članu 36. u stavu (3), tačke n) i p) brišu se, a dosadašnje tačke o), r), s), t), u), v) postaju nove tačke n), o), p), r), s) i t).

#### Član 17.

U članu 41. tačka g) mijenja se i glasi:

"g) vrši nostrifikaciju i ekvivalenciju odnosno priznavanje stranih visokoškolskih kvalifikacija posredstvom organizacionih jedinica odnosno putem imenovanja posebne komisije a u skladu sa ovim zakonom;"

#### Član 18.

U članu 44., u naslovu člana iza riječi "interdisciplinarnih" dodaje se veznik "i", a poslije riječi "multidisciplinarnih", riječi "i specijalističkih" brišu se.

U stavu (3) se iza riječi "interdisciplinarni", riječi "odnosno specijalistički" brišu se.

#### Član 19.

U članu 48. stav (1) briše se, a dosadašnji stav (2) postaje stav (1).

#### Član 20.

U članu 51. stav (1) mijenja se i glasi:

"(1) Izmjena nastavnog plana i nastavnih programa vrši se po istom postupku kao i njihovo donošenje, utvrđeno ovim Zakonom i ne može se primjenjivati retroaktivno u smislu utvrđivanja dodatnih obaveza studentu za studijske godine koje je uspješno okončao."

#### Član 21.

U članu 52. u stavu (4) iza riječi "kontinuirano u skladu sa", dodaju riječi "zakonom i".

## Član 22.

U članu 53., u stavu (1), riječi "koju daje referentno tijelo" brišu se.

U stavu (2) riječi "Kompletnu dokumentaciju" zamjenjuju se riječima "Izvještaj o izvršenoj evaluaciji".

U stavu (2) iza riječi "uz odgovarajuće obrazloženje", riječi "sa nalazom referentnog tijela" brišu se.

St. (3) i (4) brišu se.

## Član 23.

U članu 56. u stavu (1) iza riječi "Detaljna organizacija" dodaje se veznik "i".

U stavu (1) riječi "preporučeni udžbenici, priručnici i druga preporučena literatura na osnovu koje se priprema i polaže ispit", brišu se.

Iza stava (2) dodaju se novi st. (3), (4) i (5) koji glase:

"(3) Senat visokoškolske ustanove kao ustanove, odnosno vijeće organizacione jedinice visokoškolske ustanove kao javne ustanove posebnom odlukom koju je dužna objaviti na svojoj web-stranici prije početka svakog ciklusa studija utvrđuje obavezne i preporučene udžbenike i priručnike kao i drugu preporučenu literaturu na osnovu koje se priprema i polaže ispit.

(4) Izmjene i dopune odluke iz stava (1) ovog člana vrši Senat visokoškolske ustanove kao ustanove, odnosno vijeće organizacione jedinice visokoškolske ustanove kao javne ustanove.

(5) Članu akademskog osoblja zabranjeno je od studenta zahtijevati kupovinu literature iz stava (1) ovog člana kao i posjedovanje takvog udžbenika odnosno priručnika u postupku provjere znanja."

## Član 24.

U članu 57. u stavu (4) iza riječi "određenom predmetu" dodaju se riječi: "odnosno do 30 sati ukupnog opterećenja kada su u pitanju studijski programi medicinske grupe nauka."

## Član 25.

U članu 58. stav (7) mjenja se i glasi:

"(7) Ljetni odmor traje najduže 8 sedmica."

Iza stava (8) dodaju se novi st. (9) i (10) koji glase:



"(9) Visokoškolske ustanove odnosno organizacione jedinice organiziraju jedan dodatni ispitni rok sa jednim ispitnim terminom u zadnjoj sedmici avgusta i prve dvije sedmice septembra.

(10) Ispitnom terminu iz stava (9) ovog člana mogu pristupiti studenti koji su ostvarili pravo polaganja završnih ispita tokom ljetnog i zimskog semestra u skladu sa nastavnim programom."

Dosadašnji stav (9) postaje stav (11).

#### Član 26.

U članu 59. stav (4) briše se.

St. (5), (6) i (7) postaju st. (4), (5) i (6).

U stavu (6) iza riječi "i druge visokoškolske ustanove" dodaju se riječi "ili organizacione jedinice".

U stavu (7), riječi "iz stava (6)" zamjenjuju se riječima "iz stava (5)".

#### Član 27.

U članu 60. u stavu (3) iza riječi "mjestu njihove realizacije" dodaju se riječi "odnosno u nastavnoj bazi organizacione jedinice."

#### Član 28.

U članu 61. u stavu (2) riječi "dekana ili prodekana za nastavu", zamjenjuju se riječima "dekana/direktora".

U stavu (2) riječi "ili rukovodilac podorganizacione jedinice", zamjenjuju se riječima "odnosno dekan/direktor uz prethodno pribavljenu saglasnost vijeća."

#### Član 29.

U članu 62. u stavu (5) iza riječi "Termini za konsultacije", dodaju se riječi "u toku sedmice".

U stavu (5) iza riječi "kao i potrebama studenata." dodaje se nova rečenica koja glasi:

"Konsultacije mogu biti organizirane u vidu kabinetskih ili konsultacija u učionici, korištenjem e-maila i drugih vidova elektronskih komunikacija, uz obavezu da se najmanje 5 sati sedmično planira za kabinetske konsultacije."

#### Član 30.

U članu 63. riječi "Uspjeh studenta na ispitu i drugim oblicima provjere znanja, vrednuje se i ocjenjuje sistemom uporedivim sa (E)CTS sistemom kako slijedi:" zamjenjuju se riječima

"Konačan uspjeh studenta nakon svih predviđenih oblika provjere znanja, vrednuje se i ocjenjuje sistemom uporedivim sa (E)CTS skalom ocjenjivanja kako slijedi:"

#### Član 31.

U članu 64. iz stava (7), dodaju se novi st. (8), (9) i (10) koji glase:

"(8) Predmetni nastavnik ne može vršiti provjeru znanja na završnom ispitu u prisustvu samo jednog studenta.

(9) Vijeće organizacione jedinice je obavezno posebnom odlukom utvrditi sve oblike provjere znanja kao i strukturu sa skalom bodovanja iz svakog nastavnog predmeta.

(10) Utvrđeni elementi vredovanja pojedinih aktivnosti odnosno propisanih oblika provjere znanja obavezno se provode kao jedinstvena cjelina."

#### Član 32.

U članu 65. iza stava (4), dodaje se novi stav (5) koji glasi:

"(5) Ako student za predviđene aktivnosti i provjere znanja tokom semestra osvoji broj bodova koji zadovoljava kriterije za prolaznu ocjenu nije obavezan izaći na završni ispit."

St. (5) i (6) postaju st. (6) i (7).

Iza stava (7) dodaje se novi stav (8) koji glasi:

"(8) Završni ispit kao i druge nastavne aktivnosti dozvoljeno je realizirati samo u toku radnog vremena utvrđenog u okviru radne sedmice i to u vremenskom terminu od 08-20 sati."

#### Član 33.

U članu 66. u stavu (2) iza riječi " u skladu sa članom 58. ovog Zakona" dodaju se riječi, ", osim na onim stručnomjetničkim predmetima kod kojih zbog prirode nastavnog procesa ponavljanje ispita nije moguće, a čiji se popis bliže uređuje aktom organizacione jedinice."

#### Član 34.

U članu 67. st. (7) i (8) mjenjaju se i glase:

"(7) Prilikom utvrđivanja ocjene, komisija će uzimati u obzir sve verificirane rezultate rada studenta u toku nastave.

(8) Kod prigovora studenta na ocjenu za praktični ispit iz onog predmeta čije polaganje nije moguće ponovno organizirati, komisija imenovana od strane dekana, a sastavljena od nastavnika

iz odgovarajuće oblasti preispitat će odluku nastavnika koji je ispit ocjenjivao i to na osnovu audio/video zapisa i drugih oblika dokumentiranja polaganja ispita te donijeti konačnu odluku.

Iza stava (8) dodaje se novi stav (9) koji glasi:

"(9) Za predmete iz stava (8) ovog člana visokoškolske ustanove odnosno organizacione jedinice su dužne osigurati audio/video zapis ili drugi adekvatan oblik dokumentiranja toka provjere znanja."

Dosadašnji st. (9) i (10) postaju st. (10) i (11).

U stavu (9) riječi "Na odluku komisije", zamjenjuju se riječima "Odluka komisije se donosi većinom glasova, a na istu".

#### Član 35.

U članu 68. iza stava (2) dodaje se novi stav (3) koji glasi:

"(3) Studentu koji obnavlja studijsku godinu organizaciona jedinica/visokoškolska ustanova može unutar jednog ciklusa u skladu sa svojim kapacitetima i organizacionim mogućnostima dozvoliti pohađanje nastave i polaganje nastavnih predmeta iz naredne studijske godine pod uvjetom da ukupno opterećenje studenata po semestru ne prelazi 30 (E)CTS studijskih bodova-kredita."

Dosadašnji stav (3) postaje stav (4).

U stavu (3) iza riječi "stava (1)", dodaju se riječi "i (3)".

#### Član 36.

U članu 71. stav (2), briše se.

Dosadašnji stav (3) mjenja se i glasi:

"(2) Temu završnog rada mogu predložiti mentor ili student, što se detaljnije utvrđuje pravilima studiranja."

Dosadašnji stav (4) postaje stav (3).

U stavu (4) riječi "dva ili više ko - mentora ili jedan mentor", zamjenjuju se riječima "i više od jednog mentora".

Stavovi (5) i (6) se brišu.

Iza stava (3) dodaje se stav (4) koji glasi:

"(4) Odluku o zahtjevu kandidata za promjenu mentora odnosno teme završnog rada donosi nadležni organ visoko-školske ustanove."

#### Član 37.

U članu 72. stav (1), mjenja se i glasi:

"(1) Postupak izbora teme, određivanja i zamjene mentora, odbrane završnog rada kao i druga pitanja relevantna za predmetnu materiju preciznije će se regulisati pravilima studiranja za odgovarajuće cikluse studije."

#### Član 38.

U članu 73. riječi "primjerak uspješno odbranjenog", zamjenjuju se riječima "broj primjeraka", a iza riječi "Nacionalnoj i Univerzitetskoj biblioteci u Sarajevu" dodaju se riječi "radi njegove katalogizacije".

#### Član 39.

U članu 78. u stavu (3) iza riječi "ekvivalent ispitima", dodaju se riječi "odnosno dijelu ispita".

#### Član 40.

U članu 80. u stavu (5) riječ "Licu", zamjenjuje se riječima "Upisanom studentu".

U stavu (5) riječi "iz člana 148.", zamjenjuju se riječima "iz člana 147.".

Iza stava (6) dodaje se novi stav (7) koji glasi:

"(7) Lice koje izgubi status studenta u smislu stava (6) ovog člana može ponovno steći status studenta na način i pod uvjetima utvrđenim statutom visokoškolske ustanove."

#### Član 41.

U članu 81. iza stava (1) dodaje se novi stav (2) koji glasi:

"(2) Pravo upisa na drugi ciklus studija imaju kandidati sa završenim odgovarajućim prvim ciklusom studija, kao i kandidati koji su završili studij po predbolonjskim nastavnim planovima i programima pod uvjetima utvrđenim pravilima studiranja."

Dosadašnji st. (2), (3), (4), (5), (6) i (7) postaju st. (3), (4), (5), (6), (7) i (8).

U stavu (3) iza riječi "u skladu sa", dodaje se riječ "jedinstvenom".

U stavu (4) riječi "ispunio uvjete za upis u narednu studijsku godinu", zamjenjuje se riječima "položio sve ispite iz te godine", a iza riječi "statutom i mogućnostima" dodaju se riječi "organizacione jedinice/".

U stavu (5) iza riječi "visokoškolske ustanove, uz", riječ "njegove" briše se, a nakon riječi "prethodne konsultacije" dodaje se riječ "senata".

U stavu (7) riječi "stav (6)", zamjenjuju se riječima "stav (7)".

Iza stava (7) dodaje se novi st. (8), (9) i (10) koji glase:

"(8) Visokoškolska ustanova kao javna ustanova putem organizacionih jedinica može, u skladu sa rezultatima konačne rang-liste i uz prethodnu saglasnost Vlade na prijedlog Ministarstva, za studijske programe koje organiziraju izvršiti prijem i upis većeg broja kandidata koji su ispunili formalni uvjet za upis od broja predviđenog planom upisa i to u statusu samofinansirajućih ili vanrednih studenata, uz uvjet da vijeće organizacione jedinice Ministarstvu dostavi odluku kojom se potvrđuje da organizaciona jedinica raspolaže prostornim, kadrovskim i uvjetima opremljenosti koji i nakon dodatnog upisa omogućavaju realizaciju nastavnog procesa u skladu sa ovim Zakonom i Standardima i normativima".

(9) Na osnovu rezultata konačne rang-liste i prijedloga organizacione jedinice Vlada može na prijedlog Ministarstva utvrditi dodatni broj kandidata koji se mogu upisati na mjesta za koja se plaća školarina i preko broja predviđenog planom upisa i to za kandidate koji imaju status djece šehida, poginulih boraca i djece bez oba roditelja a koji su ispunili formalni uvjet za upis.

(10) Kandidati su obavezni prilikom podnošenja zahtjeva za upis dostaviti dokaz o statusu lica iz stav (9) ovog člana."

#### Član 42.

U članu 83. stav (3) mjenja se i glasi:

"(3) Obavijest o konkursu za upis studenata u prvu studijsku godinu objavljuje visokoškolska ustanova u najmanje tri dnevna lista na području Bosne i Hercegovine.

Iza stava (3) dodaje se stav (4) koji glasi:

"(4) Konkurs za upis studenata za upis u prvu studijsku godinu objavljuje se na web-stranici visokoškolske ustanove/ organizacione jedinice kao i na oglasnim pločama visokoškolskih ustanova uz prethodnu saglasnost Ministarstva, i to najkasnije dva mjeseca prije početka studijske godine."

Dosadašnji stav (4) postaje stav (5).

U stavu (4), iza riječi "visokoškolsku ustanovu kao ustanovu,", dodaju se riječi "koji se objavljuje uz prethodnu saglasnost Ministarstva", a iza riječi "uz finansijske elemente" dodaju se riječi "obavezno sadrži broj studenata u svim statusima".

Iza stava (5) dodaje se stav (6) koji glasi:

"(6) Pisani testovi kojima se vrši provjera znanja prijavljenih kandidata na konkurs za upis u prvu godinu studija identični su za sve kandidate koji se prijavljuju za upis na isti studijski program u okviru organizacione jedinice, a provjera znanja obavezno se provodi u istom danu i u istom vremenskom terminu."

#### Član 43.

U članu 84. iza stava (5), dodaju se novi st. (6) i (7) koji glase:

"(6) Kandidat koji je ostvario pravo upisa u prvu godinu studija na organizacionoj jedinici na kojoj se ne polaže prijemni ispit, ne može ostvariti status studenta na organizacionoj jedinici na kojoj se polaže prijemni ispit u toku prve studijske godine.

(7) Student iz stava (6) ovog člana može ostvariti pravo nastavka studija na drugoj organizacionoj jedinici na starijim godinama studija po principu ekvivalencije."

#### Član 44.

U članu 85. stav (2), mijenja se i glasi:

"(2) Za upis na pojedine studijske programe visokoškolska ustanova mogu utvrditi i dodatne uvjete u skladu sa Zakonom, statutom i pravilima studiranja visokoškolske ustanove."

#### Član 45.

U članu 86. riječi "trećeg ciklusa studija, u skladu sa rezultatima postignutim na prethodnom, odnosno prethodnim ciklusima studija, te u skladu sa zakonom i statutom visokoškolske ustanove" zamjenjuju se riječima "treći ciklus studija, pod uvjetima utvrđenim zakonom, statutom i pravilima studiranja koja donosi Senat visokoškolske ustanove."

#### Član 46.

U članu 89. u stavu (1) iza riječi "Visokoškolska ustanova", dodaju se riječi "kao ustanova".

#### Član 47.

U članu 100. u stavu (1), riječi "koji tematizira određenu oblast i koji nikada prije nije bio publiciran" zamjenjuju se riječima "u štampanoj ili elektronskoj formi koji:

- tematizira određenu oblast;

- nikada prije nije bio publiciran;
- je katalogiziran
- je putem biblioteke organizacione jedinice i visokoškolske ustanove dostupan studentima i akademskoj zajednici."

Stav (2) briše se.

Dosadašnji st. (3) i (4), postaju st. (2) i (3).

U stavu (3), riječi "usvajanje izvještaja o podobnosti teme i kandidata", zamjenjuju se riječima "uspješno mentorstvo u drugom i trećem ciklusu studija odnosno mentorstvo ostvareno u postupku sticanja naučnog stepena magistra nauka ili doktora nauka po predbolonjskom procesu."

U stavu (4), iza riječi "Sadržaj pojmova", dodaje se riječ "uspješno mentorstvo, objavljen", a iza riječi "priznata publikacija" dodaju se riječi "katalogizirana knjiga, univerzitetski udžbenik".

#### Član 48.

U članu 101. st. (1) i (2), mjenjaju se i glase:

"(1) Senat visokoškolske ustanove će najkasnije u roku od dva mjeseca od usvajanja statuta na osnovu prethodno dostavljenih prijedloga vijeća organizacionih jedinica uspostaviti registar domaćih i međunarodnih baza podataka.

(2) Radovi objavljeni u domaćim i međunarodnim publikacijama koje prate međunarodne baze podataka, a koje su definirane u registru iz stava (1) ovog člana smatrat će se relevantnim u postupku izbora u akademska zvanja."

za stava (2) dodaje se novi stav (3) koji glasi:

"(3) Rad objavljen u publikaciji koju ne prate međunarodne baze podataka smatra se relevantnim u postupku izbora u akademska zvanja, pod uslovom da je recenziran od najmanje dva recenzenta o čemu kandidat dostavlja dokaz prilikom predaje prijave na konkurs za izbor u zvanje."

Dosadašnji stav (3) postaje stav (4).

Iza stava (4), dodaju se novi stavovi (5) i (6) koji glase:

"(5) Izmjene i dopune registra iz stava (1) ovog člana provode se na način i u postupku koji važi za njegovu uspostavu.

(6) Radovi objavljeni do uspostave registra iz stava (1) ovog člana u skladu sa Zakonom o naučnoistraživačkoj djelatnosti smatrat će se relevantnim u postupku izbora u akademska zvanja."

#### Član 49.

U članu 102. iza riječi "izbora u zvanje." dodaju se riječi ", i koji se obavezno prilažu prilikom svakog izbora u zvanje.

#### Član 50.

U članu 103. u stavu (1), iza riječi "utvrđenih ovim zakonom" dodaju se riječi "Standardima i normativima".

Iza stava (5) dodaju se novi st. (6), (7), i (8) koji glase:

"(6) Nastavna potreba kao osnov za raspisivanje javnog konkursa iz stava (1) ovog člana, kao i broj izvršilaca utvrđuje se na osnovu optimalnog prosječnog opterećenja propisanog Standardima i normativima.

(7) Ukoliko postoji puna nastavna norma kao osnov za raspisivanje javnog konkursa za izbor akademskog osoblja, a nastavna potreba se ne može zadovoljiti na drugi način propisan ovim Zakonom, visokoškolska ustanova je obavezna raspisati javni konkurs u skladu sa odredbama ovog Zakona.

(8) Ukoliko postoji nastavna potreba za akademskim osobljem propisana Standardima i normativima u vidu optimalnog prosječnog opterećenja, u postupku donošenja odluke o raspisivanju javnog konkursa za izbor akademskog osoblja ne može se vršiti umanj enje navedenog opterećenja u cilju izbora većeg broja izvršilaca u odnosu na broj koji je određen optimalnim prosječnim opterećenjem."

#### Član 51.

U članu 104. mijenja se i glasi:

#### "Član 104.

(Javni konkurs za izbor u zvanje, zasnivanje radnog odnosa i radni angažman)

(1) Konkurs za izbor u zvanje člana akademskog osoblja visokoškolska ustanova obavezno raspisuje i isti mora biti okončan do datuma isteka izbornog perioda prethodno izabranog člana akademskog osoblja.

(2) Izbor u zvanja vrši se javnim konkursom kojeg objavljuje organ visokoškolske ustanove utvrđen statutom, a na osnovu odluke kojom se utvrđuje potreba za akademskim osobljem u skladu sa Standardima i normativima, od strane naučno-nastavnog odnosno umjetničko-nastavnog vijeća organizacione jedinice, odnosno naučnog vijeća instituta (u daljem tekstu: vijeće), odnosno senata visoke škole.



(3) Konkurs iz stava (2) ovog člana obavezno se raspisuje za izbor u sva zvanja. Konkurs se objavljuje u najmanje jednom dnevnom listu i na web-stranici organizacione jedinice, odnosno visokoškolske ustanove.

(4) Kandidat koji se prijavljuje na konkurs za izbor u zvanje je obavezan u svojoj prijavi naznačiti jedno od zvanja za koje se prijavljuje, u suprotnom takva prijava će se smatrati neurednom i neće biti razmatrana.

(5) Ako se na osnovu javnog konkursa iz st. (2) i (3) ovog člana ne izvrši izbor u zvanje, visokoškolska ustanova je obavezna prije početka svake studijske godine blagovremeno raspisati javni konkurs za upražnjeno radno mjesto.

(6) U slučaju iz stava (5) ovog člana vijeće organizacione jedinice može donijeti odluku da u toku studijske godine za potrebe realizacije nastavno-naučnog procesa, bez zasnivanja radnog odnosa, angažira člana akademskog osoblja sa druge organizacione jedinice, odnosno druge domaće ili strane visokoškolske ustanove, ako:

a) se na raspisani konkurs za izbor člana akademskog osoblja nije prijavio nijedan kandidat ili po provedenom konkursu nije izabran nijedan od prijavljenih kandidata;

b) član akademskog osoblja koji je u radnom odnosu na matičnoj organizacionoj jedinici univerziteta da ili dobije otkaz, odnosno bude suspendiran odlukom nadležnog tijela, i to dok se u konkursnom postupku ne izabere novi član akademskog osoblja;

c) nastupe okolnosti iz člana 121. st. (5) i (6) ovog Zakona.

(7) Za angažman akademskog osoblja sa druge domaće ili strane visokoškolske ustanove organizaciona jedinica je obavezna pribaviti prethodnu pisanu saglasnost senata visokoškolske ustanove čija organizaciona jedinica vrši angažman.

(8) Rukovodilac organizacione jedinice koja predlaže angažman iz stavova (5) i (6) ovog člana je uz dostavljeni pisani zahtjev Senatu univerziteta obavezan dostaviti odgovarajuće dokaze da predloženi član akademskog osoblja ispunjava sve uvjete u skladu sa ovim zakonom u pogledu izvršenog izbora u zvanje.

(9) U odluci Senata kojom se daje saglasnost za angažman člana akademskog osoblja sa druge domaće ili strane visokoškolske ustanove obavezno se naznačava da član akademskog osoblja za kojeg se daje saglasnost ispunjava zakonske uvjete za angažman u pogledu izvršenog izbora u zvanje.

(10) U cilju poticanja akademske mobilnosti organizaciona jedinica visokoškolske ustanove može u skladu sa zakonom bez raspisivanja javnog konkursa, a u cilju održavanja dijela predavanja u okviru semestra ili studijske godine angažirati člana akademskog osoblja sa druge domaće ili strane visokoškolske ustanove, s tim da takav angažman ne može prelaziti 50% nastavne norme utvrđene standardima i normativima.

(11) Prije izvršenog angažmana vijeće organizacione jedinice je obavezno dostaviti Senatu prijedlog odluke o angažmanu sa izvještajem Komisije, koja se imenuje u skladu sa članom 105. stav (3) ovog Zakona, u cilju pribavljanja saglasnosti Senata za angažman.

(12) U cilju upoznavanja studenata sa određenim naučnim odnosno umjetničkim dostignućima, sa primjenom naučnih rezultata u praksi, praktičnim radom i drugim vidovima stručnog usavršavanja, ili u cilju izvođenja pojedinih specifičnih predavanja, vježbi, seminara, i drugih oblika rada, organizaciona jedinica može angažirati istaknutog naučnog radnika, umjetnika, odnosno stručnjaka iz prakse uz obavezni primjereni nadzor predmetnog nastavnika.

(13) Angažman lica iz stava (10) ovog člana vrši se na prijedlog predmetnog nastavnika bez zasnivanja radnog odnosa i bez provođenja izbora u akademsko zvanje, i to u obimu do 30 % planiranih nastavnih sati na predmetu.

(14) Angažmanom lica iz stava (10) i (12) ovog člana ne može se zamijeniti potreba za akademskim osobljem.

(15) Izuzetno, uz posebnu odluku senata, lica iz stava (7) ovog člana mogu biti angažirana u obimu većem od 30% a maksimalno do 50%."

#### Član 52.

U članu 105, stav (1), riječi "iz reda nastavnika" brišu se, riječ "pismena" zamjenjuje se riječju "pisana", a riječ "nastavnika" se zamjenjuje riječju "člana komisije".

U stavu (2) riječi "iz reda nastavnika" zamjenjuju se riječima "koji mogu biti u akademskom zvanju docent, vanredni profesor ili redovni profesor", riječ "pismena", zamjenjuje se riječju "pisana", a riječ "nastavnika" zamjenjuje se riječju "člana komisije".

U stavu (4) riječi "samostalno izvodio nastavu", zamjenjuju se riječima " sudjelovao u realizaciji nastavnog procesa".

#### Član 53.

Član 106. mjenja se i glasi:

#### "Član 106.

(Obaveze stručne službe, izvještaj i prijedlog komisije)

(1) Stručna služba organizacione jedinice obavezna je, prije dostavljanja pristiglih prijava na konkurs komisiji za izbor u zvanja, potvrditi u pisanoj formi usklađenost pristiglih prijava sa uvjetima utvrđenim konkursom i naznačiti broj prijavljenih kandidata sa naznakom zvanja za koja su se kandidati prijavili.

(2) Pisana potvrda iz stava (1) ovog člana se dostavlja rukovodiocu organizacione jedinice prije donošenja odluke o imenovanju komisije iz stava (1) člana 105. ovog zakona i predstavlja sastavni dio izvještaja komisije za izbor u zvanja.

(3) Komisija iz člana 105. ovog Zakona obavezna je izvještaj sa prijedlogom za izbor u zvanja dostaviti vijeću organizacione jedinice u skladu sa tekstom raspisanog konkursa i aktom o imenovanju komisije i to u roku od 30 dana od isteka roka za podnošenje prijave na konkurs.

(4) Komisija iz stava (3) ovog člana utvrđuje prijedlog većinom glasova, s tim da svaki član komisije ima pravo da izdvoji i obrazloži svoje mišljenje."

#### Član 54.

U članu 108. u stavu (1) riječi "utvrđuje prijedlog odluke o izboru u zvanja", zamjenjuju se riječima "odluku o pitanjima izbora iz svoje nadležnosti donosi".

St. (3), (4) i (5), mjenjaju se i glase:

"(3) Vijeće organizacione jedinice utvrđuje prijedlog odluke o izboru i dostavlja je Senatu na odlučivanje.

(4) U slučaju kada vijeće ne utvrdi pozitivan prijedlog odluke iz stava (3) ovog člana, odluka vijeća je konačna i protiv nje se može pokrenuti upravni spor pred Kantonalnim sudom u Sarajevu u roku od 30 dana od dana prijema odluke.

(5) Odredbe ovog člana o glasanju vijeća organizacione jedinice primjenjuju se i na odlučivanje odnosno glasanje komisija i radnih tijela koje imenuje vijeće ukoliko ovim zakonom ili statutom odnosno posebnim aktom nije drugačije određeno."

#### Član 55.

U članu 111. mjenja se i glasi:

"Član 111.  
(Pravo pristupa informacijama)

Na zahtjev kandidata koji učestvuje u postupku izbora u zvanje visokoškolska ustanova odnosno organizaciona jedinica će obavijestiti kandidata o fazi postupka izbora, a nakon okončanja postupka obavezna je osigurati slobodu pristupa informacijama u vezi sa postupkom izbora."

#### Član 56.

U članu 114. stav (1) iza riječi "zaključiti ugovor o radu", dodaju se riječi "za obavljanje poslova člana akademskog osoblja", a riječ "odmah", zamjenjuje se riječju "prije početka naredne studijske godine". Iza stava (1) dodaje se novi stav (2) koji glasi:

"(2) U slučaju iz stava (1) ovog člana, visokoškolska ustanova je obavezna članu akademskog osoblja u skladu sa njegovim kvalifikacijama ponuditi novi ugovor o radu za poslove za koje se ne traži izbor u akademsko zvanje ukoliko za to postoji potreba."

Dosadašnji st. (2), (3) i (4) postaju st. (3),(4) i (5).

Iza stava (5) dodaje se novi stav (6) koji glasi:

"(6) U slučaju kada asistent iz objektivnih razloga nastalih neorganiziranjem drugog ciklusa studija odnosno postdiplomskog studija po predbolonjskom načinu studiranja na fakultetima i akademijama nije mogao postići stepen drugog ciklusa (magisterij) odnosno naučni stepen magistra nauka, ima pravo ostati u tom zvanju najviše tri godine od dana donošenja ovog Zakona."

Dosadašnji st. (5) i (6) postaju st. (7) i (8).

U stavu (6) riječi " st. (4) i (5)" se zamjenjuju riječima "st. (5) i (7)".

#### Član 57.

U članu 115. u stavu (5) iza riječi "naučno-istraživačkog procesa", dodaju seriječi "u sva tri ciklusa studija", a riječi "samo uz prethodnu pismenu saglasnost rukovodioca organizacione jedinice, odnosno rektora visokoškolske ustanove", zamjenjuju se riječima: "bez prethodnog raspisivanja javnog konkursa ukoliko:

- a) uredno ispunjava svoje zakonske obaveze iz čl. 61. stav (1), čl. 62 st. (4) i (5), kao i člana 115. stav (1) ovog zakona;
- b) ispunjava zakonske uvjete za angažman u pogledu izbora u zvanje i
- c) pribavi prethodno pisanu saglasnost rukovodioca organizacione jedinice, odnosno rektora visokoškolske ustanove ukoliko se radi o angažmanu rukovodioca organizacione jedinice."

Iza stava (5) dodaju se novi st. (6), (7), (8), (9) i (10) koji glase:

"(6) Angažman iz stava (5) ovog člana, kao i angažman člana akademskog osoblja u okviru organizacione jedinice odnosno visokoškolske ustanove iznosi najviše 50% nastavnog opterećenja u toku semestra odnosno studijske godine u odnosu na optimalno nastavno opterećenje propisano Standardima i normativima.

(7) U pisanom zahtjevu za angažman iz stava (5) ovog člana član akademskog osoblja je obavezan naznačiti:

- a) svoje trenutno nastavno opterećenje;

b) akademsko zvanje u koje je izabran kao i naučnu/umjetničku oblast odnosno nastavni predmet za koji je biran,

c) fond sati za koji traži saglasnost za angažman,

d) za koji vremenski period traži saglasnost i iz kojeg nastavnog predmeta će izvoditi nastavu, kao i

e) na kojoj organizacionoj jedinici odnosno visokoškolskoj ustanovi će biti angažiran.

(8) U odluci rukovodioca organizacione jedinice kojom se daje saglasnost za angažman iz stava (5) ovog člana obavezno se naznačava da su ispunjeni svi propisani uvjeti za angažman člana akademskog osoblja.

(9) Organizacione jedinice visokoškolske ustanove su obavezne utvrditi postupak za praćenje i evidentiranje redovnog i urednog ispunjavanja obaveza od strane članova akademskog osoblja.

(10) Članu akademskog osoblja koji uredno ne izvršava obaveze u skladu sa stavom (5) tačka a) ovog člana rukovodilac organizacione ne može dati saglasnost za angažman na drugoj organizacionoj jedinici odnosno visokoškolskoj ustanovi."

Dosadašnji stav (6) postaje stav (11).

Iza stava (11) dodaju se novi st. (12) i (13) koji glase:

"(12) U slučaju postupanja suprotno stavu (5) ovog člana, postupak utvrđivanja odgovornosti za rukovodioca organizacione jedinice pokreće rektor odnosno za rektora predsjednik upravnog odbora visokoškolske ustanove.

(13) U postupku angažmana člana akademskog osoblja na drugoj domaćoj ili stranoj visokoškolskoj ustanovi matična visokoškolska ustanova zaključuje ugovor sa visokoškolskom ustanovom koja vrši angažman, a u kojem se obavezno utvrđuje iznos naknade za angažman. Naknada za angažman se uplaćuje na račun matične visokoškolske ustanove pri čemu najmanje 20% naknade matična visokoškolska ustanova zadržava za vlastite potrebe, a preostali dio isplaćuje angažiranom članu akademskog osoblja."

Član 58.

Članu 116. mijenja se i glasi:

"Član 116.

(Izbor člana akademskog osoblja)

(1) Član akademskog osoblja se bira za naučnu, odnosno umjetničku oblast ili za nastavni predmet i može sudjelovati u realizaciji nastavnog procesa samo iz nastavnog predmeta za koji je

biran odnosno koji pripada naučnoj/umjetničkoj oblasti za koju je izvršen izbor i to u sva tri ciklusa studija.

(2) Visokoškolska ustanova je obavezna na osnovu dostavljenih prijedloga organizacionih jedinica donijeti odluku o utvrđivanju naučnih odnosno umjetničkih oblasti kao i predmeta koji pripadaju ovim oblastima.

(3) Dekan je obavezan utvrđeni prijedlog organizacione jedinice, kao i prijedlog za kasnije izmjene i dopune odluke iz stava (2) ovog člana dostaviti senatu visokoškolske ustanove.

(4) Visokoškolska ustanova je obavezna Ministarstvu dostaviti odluku iz stava (2) ovog člana i Ministarstvo kontinuirano obavještavati o izmjenama navedene odluke.

(5) Član akademskog osoblja koji je ispunio uvjete za prestanak radnog odnosa zbog navršenih 65 godina života bez obzira na godine staža osiguranja ima pravo ukoliko mu to omogućava odluka o izboru ostati u radnom odnosu do isteka studijske godine u kojoj navršava 65 godina života

(6) Članu akademskog osoblja koji navršava 65 godina života u toku studijske godine, a kojem nije istekao izborni period visokoškolska ustanova je obavezna ponuditi zaključenje novog ugovora o radu i to do isteka te studijske godine.

(7) Član akademskog osoblja iz stava (5) ovog člana ostaje u radnom odnosu na visokoškolskoj ustanovi do navršene 70-te godine života, ukoliko nakon provedene konkursne procedure u skladu sa članom 104. ovog Zakona na to mjesto nije izabran drugi nastavnik i ukoliko mu to omogućava odluka o izboru u zvanje. Član akademskog osoblja koji navršši 65 godina života ne može na osnovu konkursa biti biran u isto ili više zvanje.

(8) Procedura iz člana 104. ovog Zakona provodi se prije početka svake studijske godine.

(9) Nastavnik je o svojoj namjeri da ostane angažiran nakon završetka studijske godine iz stava (5) ovog člana obavezan pismeno upoznati rukovodioca organizacione jedinice najkasnije šest mjeseci prije navršenih 65 godina života.

(10) Završetkom studijske godine u kojoj navršava 70 godina života nastavniku prestaje mogućnost nastavničkog angažmana po bilo kom osnovu, uz izuzetak profesora emeritusa."

#### Član 59.

U članu 117. u stavu (3) iza riječi "inostranih visokoškolskih diploma" dodaju se riječi "kao recezent rukopisa,".

#### Član 60.

U članu 118. u stavu (1), iza riječi "studijske godine" dodaju se riječi "a na zahtjev rukovodioca organizacione jedinice i ranije, a riječi "odgovarajući ljekarski pregled" zamjenjuju se riječima "sistematski ljekarski pregled".

#### Član 61.

U članu 119. u stavu (7), iza riječi "je obavezna analizirati" dodaju se riječi "a odluka rukovodioca organizacione jedinice o ocjeni rada", a riječi "isti čine" zamjenjuju se riječju "čini".

#### Član 62.

U članu 124. u stavu (7), riječi "članovi univerzitetskog vijeća", brišu se.

U stavu (10) iza riječi "Upravni odbor", dodaju riječi "visokoškolske ustanove kao javne ustanove".

#### Član 63.

U članu 125., u stavu (2), u tački e), iza riječi "finansijskog poslovanja" dodaju se riječi "i preduzima potrebne mjere i aktivnosti da bi se osigurala zakonitost finansijskog i ukupnog poslovanja visokoškolske ustanove".

U stavu (2), u tački h), iza riječi "odlučuje o prigovoru" dodaju se riječi "odnosno žalbama".

#### Član 64.

U članu 126., stav (2), u tački g), riječi: "odnosno univerzitetskog vijeća", brišu se.

#### Član 65.

Član 127. se briše.

#### Član 66.

U članu 128., u stavu (3), riječi "i univerzitetskog vijeća", brišu se.

Iza stava (7) dodaje se novi stav (8) koji glasi:

"(8) Rektor je ovlašten suspendirati rukovodioca organizacione jedinice ukoliko ne izvršava zakonito i savjesno svoje obaveze utvrđene zakonom, statutom ili drugim općim aktima visokoškolske ustanove i o tome u roku od sedam dana od dana donošenja obrazložene odluke obavijestiti:

- a) upravni odbor i senat visokoškolske ustanove,
- b) vijeće organizacione jedinice,
- c) i organ uprave koji vrši nadzor nad zakonitošću rada visokoškolske ustanove.

Rektor može pokrenuti i postupak utvrđivanja odgovornosti rukovodioca organizacione jedinice za počinjene povrede zakona, statuta ili drugog općeg akta."

Dosadašnji st. (8), (9) i (10) postaju st. (9), (10) i (11).

U stavu (8) riječi "30. oktobra" se zamjenjuju riječima "15. novembra".

U stavu (9), riječi: "stava (8)" se zamjenju riječima: "stava (9)".

#### Član 67.

U članu 129., u stavu (4), riječi "mandatnog perioda na koji se bira navršilo 65 godina života" zamjenjuju se riječima "roka za predaju prijava na konkurs, a koji ne može biti duži od 15 dana od objave konkursa, navršilo 62. godine života".

U stavu (7) iza riječi "rektora/direktora, glasanjem će" dodaju se riječi " na istoj sjednici". U stavu (8) riječi "od dana prijema rješenja na potpis", zamjenjuju se riječima "od donošenja odluke o izboru rektora", a nakon riječi "prijavljenim kandidatima" dodaju se riječi "na konkurs iz stava (1) ovog člana."

#### Član 68.

U članu 130., u stavu (7), riječi "člana 129." se zamjenjuju riječima " člana 128".

#### Član 69.

U članu 132., u stavu (1) riječi "općim aktima organizacione jedinice" zamjenjuju se riječima "statutom visokoškolske ustanove" i dodaje se nova rečenica: "Član vijeća fakulteta ili akademije sa pravom glasa je i član akademskog osoblja sa navršenih 65 godina života, a koji se nalazi u radnom odnosu u skladu sa članom 116. ovog Zakona."

U stavu (2), u tački j), riječi "drugog i", brišu se, a iza riječi "ciklusa studija", dodaju se riječi "odnosno naučnog zvanja magistra i doktora".

U stavu (3) za riječi "Sastav i" dodaju se riječ "izbor kao i način rada i odlučivanja", a riječi "u skladu sa Zakonom o naučno-istraživačkoj djelatnosti Kantona Sarajevo", zamjenjuju se riječima "u skladu sa odredbama ovog Zakona i statutom visokoškolske ustanove u kojoj institut ima status organizacione jedinice".



## Član 70.

U članu 133., iza stava (7), dodaje se novi stav (8) koji glasi:

"(8) Rukovodilac organizacione jedinice je ovlašten suspendirati rukovodioca podorganizacione jedinice ili nekog drugog tijela podorganizacione jedinice ukoliko isti ne izvršava zakonito i savjesno svoje obaveze definirane zakonom, statutom ili drugim općim aktom visokoškolske ustanove i o tome u roku od sedam dana od dana donošenja odluke obavijestiti:

- a) vijeće organizacione jedinice,
- b) rektora,
- c) senat i upravni odbor visokoškolske ustanove

Rukovodilac organizacione jedinice može pokrenuti postupak odgovornosti rukovodioca podorganizacione jedinice za počinjene povrede zakona, statuta ili drugog općeg akta visokoškolske ustanove."

Dosadašnji st. (8), (9) i (10.) postaju novi stavovi (9), (10) i (11).

U stavu (8) riječi "30. septembra", zamjenjuju se riječima "15. oktobra".

U stavu (9) riječi "stava (8)", zamjenjuju se riječima "stava (9)".

U stavu (10) se iza riječi: "Kantona Sarajevo," dodaju riječi: "ovim Zakonom".

## Član 71.

U članu 134., u stavu (1), riječi "tri dnevna lista", zamjenjuju se riječima "jednom dnevnom listu".

U stavu (2), riječi "nastavnika", zamjenjuju se riječima "članova akademskog osoblja", a iza riječi "punom radnom vremenu", dodaju se riječi "na tom fakultetu ili akademiji".

U stavu (3), riječi "mandatnog perioda na koji se bira navršilo 65. godina života" zamjenjuju se riječima "roka za predaju prijava na konkurs, a koji ne može biti duži od 15 dana od objave konkursa, navršilo 62 godine života".

U stavu (6) se nakon riječi "izjaviti žalba" dodaju riječi "od strane prijavljenih kandidata".

U stavu (14) riječi "u skladu sa Zakonom o naučno- istraživačkoj djelatnosti Kantona Sarajevo", zamjenjuju se riječima "u skladu sa odredbama ovog Zakona koje se odnose na izbor rukovodioca organizacione jedinice, a što će se preciznije urediti statutom visokoškolske ustanove".

Dodaje se novi stav (15) koji glasi:

"(15) Radni odnos u punom radnom vremenu iz stava (2) ovog člana preciznije se definira statutom visokoškolske ustanove."

#### Član 72.

U članu 135., u stavu (1), iza riječi "dekanu" dodaje se riječ "/direktoru".

U stavu (2), iza riječi "dekana/" dodaje riječ "direktora" i u tački f), iza "dekana" dodaje se riječ "/direktora".

U stavu (3), iza riječi "dekana" dodaje se riječ "/direktora".

U stavu (4), iza riječi "dekan" dodaje se riječ "/direktor".

U stavu (5), iza riječi "dekana" dodaje riječ "/direktora", a riječ "fakulteta" se zamjenjuje riječima "organizacione jedinice".

U stavu (6), riječi "visokoškolske ustanove", zamjenjuju se riječima "organizacione jedinice", a iza riječi "dekana" dodaje se riječ "/direktora".

U stavu (7), iza riječi "dekana" dodaje se riječ "/direktora", a riječi "član 134." se zamjenjuju se riječima "član 133".

Stav (9) briše se.

#### Član 73.

U članu 137, riječi "člana 136." zamjenjuju se riječima "člana 135.".

#### Član 74.

U članu 139, u stavu (1), riječi "iz čl. 136. i 137.", zamjenjuju se riječima "iz čl. 135. i 136.". U stavu (4) iza riječi "može biti", dodaju se riječi "izmijenjena i".

#### Član 75.

U članu 143., u stavu (1), riječi "člana 142." zamjenjuju se riječima "člana 141.", a riječi "licencirana visokoškolska ustanova", zamjenjuju se riječima " visokoškolska ustanova licencirana"

## Član 76.

U članu 144., u stavu (2), iza riječi "istraživačko-razvojne projekte" dodaju se riječi "za učešće na naučnim skupovima, stvaranju vlastitih referentnih izdanja, publikacija" a iza riječi "izdvajanja sredstava" dodaju se riječi "na jedinstveni račun", te riječi ""na jedinstveni račun", brišu se.

U stavu (3) riječi "univerzitetskog vijeća" brišu se.

## Član 77.

U članu 147., u stavu (4) nakon riječi "Propis o", dodaju se riječi "sadržaju i izgledu".

## Član 78.

Iza člana 148., dodaju se novi članovi 148a., 148b., 148c. i 148d. koji glase:

### "Član 148a.

(Priznavanje inostranih visokoškolskih kvalifikacija)

(1) Nostrifikacija i ekvivalencija odnosno priznavanje inostrane visokoškolske kvalifikacije (u daljem tekstu: priznavanje inostranih visokoškolskih kvalifikacija) je formalno potvrđivanje vrijednosti inostrane visokoškolske obrazovne kvalifikacije, odnosno razdoblja obrazovanja, koje je izdalo nadležno tijelo u svrhu pristupa obrazovanju ili zapošljavanju.

(2) Stručno priznavanje je priznavanje inostrane visokoškolske kvalifikacije u svrhu zapošljavanja.

(3) Akademsko priznavanje je priznavanje inostrane visokoškolske kvalifikacije u svrhu nastavka obrazovanja.

(4) U postupku priznavanja u svrhu zapošljavanja imaocu inostrane visokoškolske kvalifikacije utvrđuje se nivo i vrsta studija, kao i stručni, akademski, odnosno naučni naziv, bez upoređivanja nastavnih planova i programa.

(5) U postupku priznavanja radi nastavka obrazovanja u sistemu visokog obrazovanja imaocu inostrane visokoškolske kvalifikacije utvrđuje se pravo na nastavak započetog visokog obrazovanja, odnosno pravo na uključivanje u nivoe visokog obrazovanja, kojim se priznaje ravnopravnost sa odgovarajućom visokoškolskom kvalifikacijom na način da se vrši vrednovanje inostranog studijskog programa.

(6) U postupku priznavanja radi nastavka obrazovanja vrednovanje se vrši na osnovu podataka o inostranoj visokoškolskoj ustanovi na kojoj se studijski program izvodi, sistemu obrazovanja u zemlji u kojoj je stečena inostrana visokoškolska kvalifikacija, nivoa i vrste postignutih znanja i vještina, prava koja ta kvalifikacija daje u državi u kojoj je stečena i drugim okolnostima značajnim za priznavanje.

(7) Jednom izvršeno pozitivno vrednovanje određenog inostranog studijskog programa važi za sve buduće slučajeve kada je riječ o istom studijskom programu.

#### Član 148b.

(Nadležnost u postupku priznavanja inostranih visokoškolskih kvalifikacija)

(1) Stručno priznavanje inostranih visokoškolskih kvalifikacija vrši univerzitet i visoka škola.

(2) Akademsko priznavanje vrši univerzitet putem fakulteta i akademija i visoka škola.

(3) Podnosilac zahtjeva je obavezan u svom zahtjevu naznačiti da li zahtjev za priznavanjem inostrane visokoškolske kvalifikacije podnosi u svrhu zapošljavanja ili u svrhu nastavka obrazovanja.

(3) U postupku obrade i razmatranja podnesenog zahtjeva za priznavanjem inostrane visokoškolske kvalifikacije, kao i u postupku njegovog rješavanja tijela univerziteta i visoke škole odnosno fakulteta i akademija su obavezna postupati u skladu sa odredbama Zakona o upravnom postupku ("Službene novine Federacije Bosne i Hercegovine" broj: 2/98 i 48/99).

(4) Postupak provođenja priznavanja inostranih visokoškolskih kvalifikacija preciznije se uređuje pravilnikom kojeg donosi senat visokoškolske ustanove a na koji saglasnost daje Ministarstvo.

(5) Visokoškolska ustanova može vršiti priznavanja inostranih visokoškolskih kvalifikacija nakon stupanja na snagu pravilnika iz stava (4) ovog člana.

#### Član 148c.

(Provođenje postupka akademskog priznavanja)

(1) Zahtjev za akademskim priznavanjem inostrane visokoškolske kvalifikacije podnosi se organizacionoj jedinici odnosno fakultetu ili akademiji koja dodjeljuje iste ili odgovarajuće visokoškolske kvalifikacije u odnosu na stranu visokoškolsku kvalifikaciju čije se priznavanje traži.

(2) Vijeće organizacione jedinice je obavezno donijeti odluku o podnesenom zahtjevu iz stava (1) ovog člana u roku od 30 dana od dana dostavljanja urednog zahtjeva, na osnovu koje rukovodilac organizacione jedinice odnosno dekan fakulteta ili akademije izdaje rješenje.

(3) Protiv rješenja iz stava (2) ovog člana može se izjaviti žalba senatu visokoškolske ustanove u roku od 15 dana od dana dostavljanja rješenja.

(4) Žalba se podnosi organizacionoj jedinici odnosno fakultetu ili akademiji iz stava (1) ovog člana, koja je razmatrala zahtjev u prvom stepenu. Rukovodilac organizacione jedinice odnosno dekan fakulteta ili akademije je obavezan u roku od tri dana od dana prijema žalbe cjelokupni predmet sa žalbom proslijedi senatu na rješavanje.

(5) Senat visokoškolske ustanove je obavezan odluku o žalbi donijeti u roku od 60 dana od dana zaprimanja žalbe.

(6) Protiv odluke senata nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema odluke.

#### Član 148d.

(Provođenje postupka stručnog priznavanja i priznavanja u slučaju multidisciplinarnosti/interdisciplinarnosti studijskog programa)

(1) Kada se radi o zahtjevu za stručnim priznavanjem inostrane visokoškolske kvalifikacije o ili kada se postupku razmatranja podnesenog zahtjeva utvrdi da se radi o multidisciplinarnom/interdisciplinarnom programu za koji ne postoji odgovarajuća organizaciona jedinica, odnosno fakultet ili akademija postupak priznavanja provodi univerzitet odnosno visoka škola.

(2) Za provođenje postupka iz stava (1) ovog člana senat visokoškolske ustanove imenuje posebnu komisiju sastavljenu od članova iz naučne/umjetničke oblasti odnosno disciplina koje su zastupljene u tom studijskom programu.

(3) Komisija iz stava (2) ovog člana o provedenom postupku sačinjava izvještaj koji dostavlja senatu visokoškolske ustanove na razmatranje i odlučivanje.

(4) Senat visokoškolske ustanove donesi odluku na osnovu koje rektor izdaje rješenje.

(5) Protiv odluke senata nije dozvoljena žalba, ali se može pokrenuti upravni spor pred nadležnim sudom u Sarajevu u roku od 30 dana od dana prijema odluke.

(6) Univerzitet i visoka škola, kao i akademije i fakulteti su obavezni voditi Registar zaprimljenih i riješenih zahtjeva za priznavanjem inostranih visokoškolskih kvalifikacija.

(7) Odluku o cijeni provođenja postupka priznavanja inostranih visokoškolskih kvalifikacija na području Kantona donosi Vlada Kantona na prijedlog visokoškolske ustanove."

(8) U postupku priznavanja inostrane visokoškolske kvalifikacije mogu se vrednovati samo elementi na osnovu kojih se stiče kvalifikacija čije se priznavanje traži, a što će se preciznije urediti pravilnikom iz člana 148b. stav (4).

(9) Organizaciona jedinica odnosno fakultet ili akademija koja vrši akademsko priznavanje, inostrane visokoškolske kvalifikacije nakon provedenog stručnog priznavanja, podnosiocu zahtjeva može naplatiti samo novčani iznos koji predstavlja razliku između cijene utvrđene za akademsko priznavanje i cijene utvrđene za stručno priznavanje u odluci iz stava (7) ovog člana.

#### Član 79.

U članu 149., iza stava (1). dodaju se novi st. (2) i (3) koji glase:

"(2) U vršenju nadzora Ministarstvo može u cilju utvrđivanja relevantnih činjenica i okolnosti u svakom konkretnom slučaju zatražiti od nadležne inspekcije provođenje radnji u skladu sa zakonom i dostavljanje informacije o utvrđenom stanju i preduzetim mjerama.

(3) Nadležna Inspekcija za pitanja obrazovanja je obavezna u posljednjoj sedmici mjeseca septembra za proteklu studijsku godinu dostaviti Ministarstvu informaciju o izvršenom inspekcijskom nadzoru, o utvrđenom stanju, pojavama i problemima kao i o preduzetim mjerama, sa prijedlogom mjera i aktivnosti koje bi trebalo preduzeti za preveniranje, kao i otklanjanje utvrđenog nezakonitog ponašanja. U informaciji se obavezno moraju obraditi vidovi, oblici i načini kršenja zakona i drugih propisa, nedostaci u propisima i predložiti u kojem bi smislu trebalo mijenjati važeća zakonska rješenja kao i provedbene propise."

#### Član 80.

U članu 151. u stavu (1) iza riječi "ovog Zakona", dodaju se riječi ", provedbenih propisa, kao i akata i odluka tijela/organa visokoškolskih ustanova donesenih u cilju izvršenja obaveza utvrđenih ovim Zakonom".

Iza stava (1) dodaju se novi st. (2), (3), (4), (5), (6), (7) i (8) koji glase:

"(2) Kada u vršenju inspekcijskog nadzora nadležna inspekcija za oblast obrazovanja utvrdi da visokoškolska ustanova ne ispunjava uvjete za rad propisane ovim Zakonom i Standardima i normativima, odredit će primjeren rok za otklanjanje utvrđenih nedostataka i o tome obavijestiti osnivača visokoškolske ustanove kao ustanove, odnosno Ministarstvo ukoliko se radi o visokoškolskoj ustanovi kao javnoj ustanovi.

(3) U slučaju iz stava (2) ovog člana nadležna inspekcija može zabraniti visokoškolskoj ustanovi upis novih studenata kao i preduzimanje i provođenje drugih aktivnosti čije zakonito obavljanje je uslovljeno prethodnim otklanjanjem utvrđenih nedostataka i nepravilnosti.

(4) Ukoliko visokoškolska ustanova nakon isteka utvrđenog roka iz stava (2) ovog člana ne otkloni utvrđene nepravilnosti nadležna inspekcija će o tome dostaviti obavijest Ministarstvu s ciljem donošenja rješenja o zabrani daljeg rada i brisanja visokoškolske ustanove iz Registra akreditiranih i licenciranih visokoškolskih ustanova.

(5) Ministarstvo će nakon pribavljenog očitovanja Agencije o utvrđenim nepravilnostima kao i postupanju visokoškolske ustanove dok je trajao rok za otklanjanje utvrđenih nedostataka iz stava (2) ovog člana, donijeti rješenje o zabrani daljeg rada i po službenoj dužnosti izvršiti brisanje visokoškolske ustanove iz Registra akreditiranih i licenciranih visokoškolskih ustanova.

(6) Kada nadležna inspekcija za oblast obrazovanja utvrdi nepravilnosti u radu visokoškolske ustanove koje ne sprečavaju dalji rad visokoškolske ustanove, odnosno kada utvrdi da visokoškolska ustanova ne postupa ili postupa nepravilno ili nepotpuno prema obavezama koje su joj određene propisima, obavezna je prema utvrđenom činjeničnom stanju naložiti odgovarajuće upravne mjere i to:

- a) narediti da se utvrđeni nedostaci i nepravilnosti otklone na način i u roku kako je određeno ovim Zakonom ili ukoliko takav rok nije propisan odrediti primjereni rok u skladu sa zakonom;
  - b) narediti preduzimanje odgovarajućih upravnih radnji i mjera radi otklanjanja utvrđenih nepravilnosti ili nedostatka koje je visokoškolska ustanova obavezna preduzeti u roku i na način kako je naloženo;
  - c) narediti visokoškolskoj ustanovi nalaganjem odgovarajućih upravnih mjera potpunu i pravilnu primjenu ovog Zakona, drugih propisa i akata donesenih na osnovu ovog Zakona;
  - d) zabraniti preduzimanje radnji koje smatra da su u suprotnosti sa ovim Zakonom, provedbenim propisima i aktima donesenim u cilju provođenja ovog Zakona;
  - e) izdati prekršajni nalog;
  - f) podnijeti zahtjev za pokretanje prekršajnog postupka;
  - g) podnijeti izvještaj nadležnom organu o učinjenom krivičnom djelu;
  - h) preduzeti druge mjere i radnje za koje je zakonom i drugim propisima ovlaštena;
- (7) Inspekcija za oblast obrazovanja upravne mjere nalaže rješenjem. Protiv rješenja inspekcije može se izjaviti žalba Ministarstvu.

(8) Žalba na rješenje iz stava (7) ovog člana ne odlaže izvršenje rješenja."

#### Član 81.

U članu 152., alineje od 1) do 34) se mjenjuju novim alinejama koje glase:

- 1) propusti preduzeti radnje iz člana 7. stav (4).;
- 2) izvrši osnivanje ili obavlja djelatnosti suprotno propisima iz člana 18.;
- 3) počne sa radom prije pravosnažnosti rješenja iz člana 25. stav (1);
- 4) vrši osnivanje organizacionih ili podorganizacionih jedinica ili izmjenu njihovih naziva ili provodi statusne promjene suprotno čl. 27. ili suprotno članu 35.;
- 5) vrši prijem i upis studenata ili obavlja druge zabranjene aktivnosti dok traje rok utvrđen za otklanjanje nepravilnosti u skladu sa članom 28. stav (6);
- 6) vrši statusne promjene ili otvaranje novih odjeljenja suprotno članu 28. stav (8);
- 7) ne obezbijedi finansijska sredstva i ne osigura trajno čuvanje javnih isprava, dokumentacije i evidencije, arhiva i druge dokumentacije u skladu sa članom 35. stav (7) i (8);

- 8) stiče ili upravlja ili koristi imovinu suprotno članu 42.;
- 9) organizira studij sa domaćom ili inostranom visokoškolskom ustanovom ili utvrdi cijenu za navedeni studij suprotno članu 44.;
- 10) izvodi studij, utvrđuje nastavne predmete i donosi nastavne planove i programe suprotno čl. 45., 46. i 47.;
- 11) utvrdi cijenu za studij trećeg ciklusa suprotno članu 44 stav (7).;
- 12) vrši izmjene nastavnog plana i programa suprotno članu 51.;
- 13) ne uspostavi sistem kvaliteta i ne dostavi Ministarstvu Izvještaj u skladu sa čl. 52. i 53.;
- 14) utvrdi cijenu studija iz člana 59. stav (5) suprotno stavu (6) člana 59.;
- 15) ne donese odluku iz člana 56. stav 3. ili vrši njene izmjene suprotno stavu 4. člana 56.;
- 16) izdaje certifikate o završenim neciklični vidovima obrazovanja suprotno članu 78.;
- 17) raspiše odnosno objavi konkurs za upis studenata suprotno članu 83.;
- 18) provede provjeru znanja kandidata za upis u prvu godinu studija suprotno članu 83.;
- 19) dodjeljuje akademska zvanja ili vrši izbor akademskog osoblja koje ne ispunjava uvjete za izbor propisane članovima od 96. do 98.;
- 20) ne zaključi ili zaključi ugovor o radu sa članom akademskog osoblja suprotno članu 95 stav (4).;
- 21) ne utvrdi Program ili ne podnese Izvještaj u skladu sa članom 95. stav (6) i (7).;
- 22) ne definira sadržaj pojmova iz člana 100 stav (3).;
- 23) u postupku izbora u akademska zvanja prihvati objavljene naučne redove suprotno članu 101.;
- 24) raspiše konkurs za izbor akademskog osoblja ili utvrdi nastavnu potrebu kao osnov za raspisivanje konkursa suprotno članu 103.;
- 25) ne raspiše konkurs za izbor u akademska zvanja u skladu sa članom 104. stav (3).;
- 26) izvrši angažman akademskog osoblja sa druge domaće ili strane visokoškolske ustanove suprotno članu 104.;



- 27) vijeće ili rukovodilac organizacione jedinice ili senat visokoškolske ustanove ne postupaju u rokovima iz člana. 109. ili iz člana 110.;
- 28) omogući sudjelovanje u nastavnom procesu ili u izvršavanju aktivnosti za koje nije zakonom ovlašten profesor emeritusu suprotno članu 117.;
- 29) omogući sudjelovanje u nastavnom procesu akademskom osoblju koje nije izvršilo ljekarski pregled u skladu sa članom 118.;
- 30) ne izvrši obavezu iz člana 121. stav (5) i (6).;
- 31) izvrši izbor dekana ili direktora suprotno uvjetima ili proceduri iz člana 133.;
- 32) naplaćuje školarinu ili utvrdi vrstu ili visinu cijene za usluge koje pruža studentima suprotno članu 137. i 138.;
- 33) utvrdi broj studenata ili izvrši upis studenata suprotno čl. 141. i 142.;
- 34) ne vodi uredano i potpuno odnosno na propisani način dokumentaciju i evidenciju iz člana 146.;
- 35) ne izvrši i ne provede pojedine radnje u postupku priznavanje stranih visokoškolskih kvalifikacija u propisanim rokovima ili provodi propisani postupak ili pojedine faze postupka suprotno članu 148., 149., i 150.;
- 36) utvrdi cijenu o provođenju postupka priznavanja stranih visokoškolskih kvalifikacija suprotno članu 151.;
- 37) ne izvrši naloženu upravnu mjeru u roku i na način kako je naloženo rješenjem nadležne inspekcije za oblast obrazovanja.;

#### Član 82.

Iza člana 152., dodaje se novi član 156. koji glasi:

#### "Član 152a.

(Kazne za prekršaje odgovornih lica)

Novčanom kaznom u iznosu od 5.000 KM do 10.000 KM kazniće se za prekršaj visokoškolska ustanova, ako:

- a) ne donese ili vrši izmjenu ili ne izvrši objavljivanje odluke iz člana 56. stav (3) i (4).;
- b) ne provede postupak utvrđivanja odgovornosti i sankcionisanja člana akademskog osoblja koji postupaju suprotno članu 56. stav (5).;

- c) ne osigura da akademsko osoblje ličnim prisustvom i angažmanom u potpunosti, realizira utvrđeni nastavni plan i program u skladu sa članom 61. stav (1) ili ne osigura izvršavanje obaveza u skladu sa članom 62. stav (8).;
- d) ne utvrdi metode iz člana 61. stav (4).;
- e) ne provede postupak utvrđivanja odgovornosti i sankcionisanja člana akademskog osoblja za kojeg se utvrdi da nije utvrdio ili da ne provodi konsultacije u skladu sa članom 62. stav (5).;
- f) ne preduzme potrebne radnje da spriječi provođenje provjera znanja suprotno članu 64. stav (8) ili ne donese odluku iz člana 64. stav (9).;
- g) omogući realizaciju ili provođenje završnog ispita ili nastavnih aktivnosti suprotno članu 65. stav (8).;
- h) omogući studentu upis u narednu studijsku godinu suprotno članu 68 stav (1).;
- i) izvrši prijem i upis studenta suprotno članu 80. stav (2).;
- j) omogući sticanje statusa studenta suprotno članu 84. stav (6) i (7).;
- k) imenuje komisiju za pripremanje prijedloga za izbor suprotno članu 105.;
- l) ne osigura da se propisane radnje u postupku izbora akademskog osoblja provede u rokovima propisanim u čl.106., 107., 108 i 109.;
- m) ne provede postupak utvrđivanja odgovornosti u skladu sa članom 112. stav (3) i (4);
- n) ne preduzme radnje i ne osigura da akademsko osoblje izvršava nastavne i druge obaveze u skladu sa članom 115. stav (1).;
- o) dozvoli i omogući angažman člana akademskog osoblja u okviru visokoškolske ustanove ili na drugoj organizacionoj jedinici ili drugoj visokoškolskoj ustanovi suprotno uvjetima iz člana 115.;
- p) ne utvrdi postupak za praćenje i evidentiranje redovnog i urednog izvršavanja obaveza u skladu sa članom 115. stav (9).;
- r) omogući i dozvoli angažman i sudjelovanje u nastavnom procesu članu akademskog osoblja suprotno članu 116. stav (1)."

#### Član 83.

U članu 153., riječi " za prekršaj iz člana 152.", zamjenjuju se riječima " za prekršaj iz čl. 155. i 156".

#### Član 84.

U članu 154., u stavu (2) riječi "ako nisu" zamjenjuju se riječima "u dijelu koji nije".

Iza stava (2) dodaju se novi st. (3), (4), (5), (6) i (7) koji glase:

"(3) Do dana integracije univerziteta kao javne ustanove primjenjuju se odredbe internih akata univerziteta odnosno fakulteta i akademija sa pravnim subjektivitetom koje se odnose na pokretanje i provođenje procedure raspisivanja konkursa za izbor akademskog osoblja, izbor rektora, rukovodioca organizacione jedinice/direktora i upis studenata.

(4) Odredbe ovog zakona koje se odnose na ispunjavanje propisanih uvjeta za izbor iz stava (3) ovog člana primjenjuju se zajedno sa internim aktima univerziteta kao i fakulteta odnosno akademija sa pravnim subjektivitetom.

(5) U slučaju kolizije između odredbi ovog zakona kojima su propisani uvjeti i rokovi za izbor i internih akata univerziteta odnosno fakulteta i akademija sa pravnim subjektivitetom primjenjuju se odredbe ovog Zakona.

(6) Odredbe ovog Zakona kojima se utvrđuje nadležnost organizacionih jedinica integriranog univerziteta shodno se primjenjuju i na nadležnost fakulteta i akademija sa pravnim subjektivitetom.

(7) Rokovi utvrđeni ovim Zakonom za usvajanje odnosno donošenje provedbenih propisa stupanjem na snagu izmjena i dopuna zakona produžavaju se za taj period, ukoliko ovim izmjenama i dopunama nije predviđen poseban rok."

#### Član 85.

Član 155. postaje član 159.

U stavu (2) riječi "15. avgusta 2010." se zamjenjuju riječima "15. avgusta 2010."

#### Član 86.

U članu 156., u stavu (1), riječi "iz člana 155." zamjenjuju se riječima "iz člana 159."

Stav (2) briše se.

Dosadašnji st. (3), (4) i (5) postaju st. (2), (3) i (4).

U stavu (4) riječi "iz stava (3)" zamjenjuju se riječima "iz stava (2)".

#### Član 87.

U članu 157., u stavu (1), riječi "u članu 156. stav (4)", zamjenjuju se riječima "u članu 160. stav (3)".

U stavu (2), riječi "članu 156. stav (3) i (4) ovog Zakona", zamjenjuju se riječima "Elaboratu o integraciji Univerziteta u Sarajevu i ("Službene novine Kantona Sarajevo", broj: 37/09)."

U stavu (2) prije naziva svih visokoškolskih ustanova odnosno organizacionih jedinica dodaju se riječi "Univerzitet u Sarajevu".

#### Član 88.

U članu 158. riječi "članu 156. stav (4) ovog Zakona" se zamjenjuje riječima "Elaboratu o integraciji Univerziteta u Sarajevu ("Službene novine Kantona Sarajevo", broj: 37/09)"

#### Član 89.

Član 159., mijenja se i glasi:

#### "Član 159. (Klinički centar)

"(1) Klinički centar Univerziteta u Sarajevu (u daljem tekstu: Klinički centar), se uključuju u nastavni proces organizacionih jedinica visokoškolske ustanove kao javne ustanove koje pripadaju grupaciji medicinskih nauka kao nastavne baze ovih fakulteta za sticanje praktičnih znanja i vještina.

(2) Položaj i funkcije Kliničkog centra iz stava (1) ovog člana preciznije će se regulirati statutom Univerziteta kao javne ustanove.

(3) Finansiranje nastavne, naučnonastavne i naučnoistra- živačke djelatnosti visokoškolske ustanove kao javne ustanove koja se realizira na Kliničkom centru vrši se iz sredstava visokoškolske ustanove."

#### Član 90.

U članu 160., u stavu (1), riječi "u sastavu je Univerziteta kao javne ustanove", zamjenjuju se riječima "je u neposrednoj vezi sa djelatnosti visokog obrazovanja".

St. (3), (4), (5) i (6) brišu se.

#### Član 91.

U članu 161. u stavu (1) riječi "sastavni je dio Univerziteta kao javne ustanove", zamjenjuju se riječima "je u neposrednoj vezi sa djelatnosti visokog obrazovanja".

## Član 92.

Član 165., mijenja se i glasi:

### "Član 165. (Brisanje iz registra)

"(1) Ministarstvo i Vlada Kantona Sarajevo u saradnji sa Univerzitetom u Sarajevu, na osnovu Elaborata o integraciji ("Službene novine Kantona Sarajevo", broj: 37/09), preduzet će sve potrebne mjere i aktivnosti, te osigurati potrebna sredstva za početak rada Univerziteta kao integrirane visokoškolske ustanove.

(2) Postojeće visokoškolske ustanove kao javne ustanove u sastavu Univerziteta, koje u integriranom Univerzitetu gube svojstvo pravnog lica, brišu se iz Registra i sudskog registra nakon što budu izvršene sve potrebne radnje da mogu u potpunosti obavljati svoje osnovne, specifične i prateće djelatnosti, o čemu konačnu odluku donosi osnivač na prijedlog Senata Univerziteta u Sarajevu.

(3) Postojeće visokoškolske ustanove kao javne ustanove u sastavu Univerziteta, do konačne integracije Univerziteta nastavljaju sa radom prema dosadašnjoj registraciji, u skladu sa Zakonom i statutom."

## Član 93.

U članu 167., u stavu (2), iza riječi "visokoškolskoj ustanovi", dodaju se riječi "odnosno organizacionoj jedinici".

Iza stava (6) dodaje se novi stav (7) koji glasi:

"(7) Lica koja su započela postdiplomski studij za sticanje naučnog stepena magistra nauka prema propisima koji su bili na snazi prije stupanja na snagu ovog Zakona, imaju pravo steći naučni stepen magistra nauka zaključno sa 30.09.2015.godine."

Dosadašnji st. (7) i (8) postaju st. (8) i (9).

U stavu (8) riječi "stava (7)", zamjenjuje se riječima "stava (8)".

Iza stava (9) dodaju se novi st. (10), (11), (12), (13), (14), (15) i (16) koji glase:

"(10) Članovi akademskog osoblja koji su u zvanje asistenta i višeg asistenta prvi put birani u skladu sa odredbama Zakona o visokom obrazovanju ("Službene novine Kantona Sarajevo" broj: 9/07-Prečišćen tekst) imaju pravo nakon isteka izbornog perioda ostati u tom zvanju, bez provođenja konkursne procedure, najviše tri odnosno četiri godine. Nakon isteka perioda od šest godina nakon prvog izbora za asistenta odnosno osam godina nakon prvog izbora za višeg asistenta, status takvih lica se uređuje u skladu sa ovim Zakonom.

(11) Lica zatečena u zvanju naslovnog docenta imaju pravo biti birana u zvanje docenta a potom i u viša akademska zvanja prema odredbama ovog Zakona.

(12) Lica zatečena u zvanju predavača zadržavaju zvanje predavača do 30.09.2012. godine.

(13) U slučaju izmjene naziva nastavnog predmeta ili naučne/umjetničke oblasti senat visokoškolske ustanove je obavezan na prijedlog vijeća organizacione jedinice najkasnije u roku od 30 dana za izvršene izbore u akademska zvanja prije stupanja na snagu ovog Zakona donijeti odluku o ekvivalenciji izvršenih izbora. Izvršena ekvivalencija važi do isteka izbornog perioda koji je propisan ovim Zakonom za odgovarajuće akademsko zvanje. U postupku ekvivalencije izvršeni izbor za nastavni predmet ne može se zamijeniti izborom na naučnu odnosno umjetničku oblast.

U postupku provođenja ekvivalencije izvršeni izbor na naučnu oblast može obuhvatiti i nastavne predmete koji prilikom donošenja odluke o izboru nisu pripadali predmetnoj naučnoj/umjetničkoj oblasti za koju je izvršen izbor.

(14) Fakulteti i akademije mogu organizirati postdiplomski studij za sticanje naučnog zvanja magistra zaključno sa početkom 2011/2012. studijske godine, a upisani studenti imaju pravo steći naučni stepen magistra nauka zaključno sa 31.12.2016. godine.

(15) Član akademskog osoblja koji je navršio 65. godina života, a koji je imenovan za mentora ili člana komisije za ocjenu i odbranu magistarskog odnosno doktorskog rada prije navršenih 65 godine života, ima pravo ostati mentorom odnosno članom komisije dok kandidat ne stekne naučno zvanje magistra odnosno doktora nauka.

(16) Izabrani članovi akademskog osoblja do uspostave integriranog univerziteta ugovor o radu zaključuju sa fakultetom/akademijom koji je pokrenuo postupak raspisivanja konkursa za izbor člana akademskog osoblja."

#### Član 94.

Ovlašćuje se Zakonodavno-pravna komisija Skupštine Kantona Sarajevo, da utvrdi prečišćeni tekst Zakona o visokom obrazovanju.

#### Član 95.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

---

Broj:01-02-19771/10  
21.jula2010.godine  
Sarajevo

Predsjedavajući Skupštine Kantona Sarajevo  
**Dr. Denis Zvizdić, s. r.**